

ხელშეკრულება N 17/ 22

სახელმწიფო შესყიდვის შესახებ

(ელექტრონული ტენდერი SPA210002791)

ქ.თბილისი

24 ნოემბერი 2021 წ.

საქართველოს სახელმწიფო უსაფრთხოების სამსახური (მის: ქ. თბილისი, 9 აპრილის ქ. N4, საბანკო რეკვიზიტები: სახელმწიფო ხაზინა, კოდი - TRESGE22, ს/კ - 204 584 887), შემდგომში წოდებული „შემსყიდველად“, წარმოდგენილი ეკონომიკური დეპარტამენტის დირექტორის სერგო ჯანელიძის სახით და

მიმწოდებელი: შპს „პრევენცია“; საიდენტიფიკაციო კოდი: 204498711

მისამართი, ტელეფონი: ქ. თბილისი, თემქა 4მრ 5კორ 98ბინა; ტელ: 599100677

დირექტორი: გიორგი გავაზელი

საბანკო რეკვიზიტები: სს „საქართველოს ბანკი“ ბანკის კოდი: BAGAGE22 ანგ. ანგარიში: GE40BG0000000122523700

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს სახელმწიფო შესყიდვას.
- 1.5 „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6 „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.6 „ტექნიკური დოკუმენტაცია“ - მიმწოდებლის მიერ SPA210002791 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 დერატიზაციის, დეზინსექციის, დეზინფექციისა და ქვეწარმავლების დამაფრთხოებელი ღონისძიებების მომსახურების შესყიდვა ხელშეკრულებაზე თანდართული დანართი N1-ის და დანართი N2-ის შესაბამისად (CPV 90920000).

3. ხელშეკრულების ღირებულება

- 3.1 ხელშეკრულების ღირებულება შეადგენს - **8994.36** (რვა ათას ცხრაას ოთხმოცდათოთხმეტი ლარი და 36 თეთრი) ლარს.
- 3.2 ხელშეკრულების ღირებულება მოიცავს გასაწევი მომსახურების ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული მომსახურების გაწევა 2022 წლის 1 იანვრიდან 2022 წლის 31 დეკემბრის ჩათვლით დანართი N1 -სა და დანართი N2 -ის შესაბამისად.
- ბ) მომსახურება უნდა განხორციელდეს დანართი N2-ში გათვალისწინებული პირობების შესაბამისად.
- გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) აღსაზღაუროს გაწეული მომსახურების ღირებულება ხელშეკრულებით განსაზღვრულ ვადებში და ფორმით;
- ბ) უზრუნველყოს ხელშეკრულების შესრულების კონტროლი;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

5.1 ხელშეკრულებით გათვალისწინებული მომსახურების ხარისხი უნდა შეესაბამებოდეს დადგენილ სტანდარტებს.

6. ხელშეკრულების შესრულების კონტროლი და მომსახურების მიღება-ჩაბარების წესი

- 6.1 შემსყიდველის მიერ მომსახურების გაწევის ვადების, ხარისხის და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების მთელი პერიოდის განმავლობაში.
- 6.2 ხელშეკრულების პირობების შესრულების კონტროლს განახორციელებს სახელმწიფო უსაფრთხოების სამსახურის ეკონომიკური დეპარტამენტის მატერიალურ ტექნიკური უზრუნველყოფის მთავარი სამმართველოს ქონების მართვისა და ექსპლუატაციის სამმართველოს საკომენდანტო სამსახურის უფროსის მოადგილე ზაქარია იოსებაშვილი, ხოლო გაწეული მომსახურების მიღება-ჩაბარების აქტის გაფორმებას უზრუნველყოფს ამავე სამსახურის შესაბამისი უფლებამოსილი პირი, ხოლო შუალედური აქტის გაფორმებას, ობიექტებზე განთავსებული ქვედანაყოფის ხელმძღვანელი ან/და შესაბამისი უფლებამოსილი პირი.
- 6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. უხარისხოდ გაწეული მომსახურების აღმოჩენისას მიმწოდებელი ვალდებულია წერილობითი შეტყობინებიდან **10 (ათი) დღის** განმავლობაში გამოასწოროს წუნი.
- 6.4 ობიექტური მიზეზით 6.3 პუნქტით განსაზღვრულ ვადაში წუნის გამოსწორების შეუძლებლობისა და შემსყიდველის მიერ გაწეული მომსახურების ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული მომსახურების ღირებულება შემსყიდველის მიერ მითითებულ გონივრულ ვადაში.
- 6.5 შემსყიდველი უფლებამოსილია განაცხადოს უარი უხარისხო ან დაგვიანებით გაწეული მომსახურების ნაწილის ან მთლიანი მოცულობის მიღებაზე.
- 6.6 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 6.7 ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, მომსახურების მიღებასთან ერთად დასტურდება ხელშეკრულების შესრულების კონტროლის განხორციელებაც.
- 6.8 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება

- 7.1 ანგარიშსწორება განხორციელდება შემდეგი პირობებით:
 - ა) ანგარიშსწორების ვალუტა - ლარი;
 - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 7.2 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა) გამოწერიდან/წარმოდგენიდან **10 (ათი) სამუშაო დღის** განმავლობაში, ხოლო იმ შემთხვევაში თუ მიმწოდებლის

მიმართ გამოყენებული იქნება მე-9 მუხლით განსაზღვრული საჯარიმო სანქციები, მიმწოდებლის მიერ აღნიშნული საჯარიმო თანხის გადახდიდან **10 (ათი) სამუშაო დღის** განმავლობაში.

7.3 დაფინანსების წყარო: 2022 წლის სახელმწიფო ბიუჯეტი.

8. ხელშეკრულების შესრულების შეფერხება

8.1 ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების გაწევის ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე, შეუსრულებელი ან/და უხარისხო გაწეული მომსახურების ღირებულების **0.2%-ის** ოდენობით.

9.2 იმ შემთხვევაში თუ 9.1 პუნქტით გათვალისწინებული დარღვევებისათვის ვადაგადაცილებული დღეების რაოდენობა გადააჭარბებს 30 კალენდარულ დღეს, შემსყიდველი უფლებამოსილია მიმწოდებელს დააკისროს **ხელშეკრულების ღირებულების 5%-ის ოდენობით**.

9.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.

10.2 წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2 თუ მოლაპარაკებით შემსყიდველი და მიმწოდებელი ვერ შეძლებენ სადავო საკითხის გადაწყვეტას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

12. ხელშეკრულების შეწყვეტა

12.1 შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას. აღნიშნულის შესახებ შემსყიდველი წერილობით აცნობებს მიმწოდებელს.

12.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.

12.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13. ხელშეკრულების მოქმედების ვადა

13.1 წინამდებარე ხელშეკრულება ძალაში შედის **2022 წლის 1 იანვრიდან** და მოქმედებს **2023 წლის 31 იანვრის ჩათვლით**.

14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით,

საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

- 14.3 მხარემ, რომელსაც შეეძენა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

- 15.1 ხელშეკრულება შედგენილია ქართულ ენაზე, გამოყენებულია ელექტრონული კვალიფიციური ხელმოწერა/შტამპი და მატერიალური სახით ინახება შემსყიდველთან.
- 15.2 გასაწევ მომსახურებაზე პასუხისმგებელი პირ(ებ)ის საკონტაქტო ინფორმაცია-ტელ: 599100677, ელ.ფოსტა: giagavazeli@gmail.com;
- 15.3 დავალება გაიცემა, როგორც სიტყვიერად, ასევე მითითებულ ელექტრონულ ფოსტაზე შეტყობინების გაგზავნის გზით. ელექტრონულ ფოსტაზე შეტყობინების მიღების თარიღი ჩაითვლება შესასრულებელი დავალების გაცემის თარიღად.

16. მხარეთა რეკვიზიტები

შემსყიდველი

საქართველოს სახელმწიფო უსაფრთხოების სამსახური

სახელმწიფო უსაფრთხოების სამსახურის
ეკონომიკური დეპარტამენტის დირექტორი
სერგო ჯანელიძე

მიმწოდებელი

შპს „პრევენცია“
დირექტორი

გიორგი გავაზელი

გამოყენებულია კვალიფიციური ელექტრონული ხელმოწერა/შტამპი

სახელმწიფო უსაფრთხოების სამსახურის ობიექტებისთვის პროფილაქტიკური
სადეზინფექციო სამუშაოების შესყიდვა

ფასთა ცხრილი

დერატიზაცია-დეზინსექცია-დეზინფექცია

	მისამართი	ფართი (კვ.მ)	დერატიზაცია- დეზინსექცია- დეზინფექცია თვეში ერთჯერ (ერთი კვ. მ-ის დამუშავების ღირებულება) (ლარი)	ერთი თვის მომსახ. ჯამი (ლარი)	ერთი წლის მომსახ. ჯამი (ლარი)
1	ქ. თბილისი, ვაჟა-ფშაველას გამზირი №72	22756	0.015	713.73	8564.76
2	ქ. თბილისი, 9 აპრილის ქ. №4	4810			
3	ქ. თბილისი, დადიანის ქ. N30	1100			
4	ქ. თბილისი, ზემო ფონიჭალა (შავნაბადა)	8460			
5	ქ.თელავი, აჩინებული	515			
6	ქ.მცხეთა, სამხედროს ქუჩა №27	504			
7	ქ.მცხეთა ღვინჯილიას ქუჩა №1	330			
8	ქ.რუსთავი რუსთაველის I გასასვლელი	590			
9	ქ.მარნეული,რუსთაველის ქუჩა №26	499			
10	ქ. გარდაბანი დავით აღმაშენებლის ქ. N14	165			
11	ქ.გორი, სამეფოს ქუჩა №54	205			
12	ქ.გორი, აღმაშენებლის ქუჩა №80ა	500			
13	ქ.ახალქალაქი დ.აღმაშენებლის №134	493			
14	ქ.ბორჯომი,რუსთაველის ქუჩა №119	163			
15	ქ.ქუთაისი ტ.ტაბიძის ქუჩა №27	1200			
16	ქ.ზუგდიდი,გამსახურდიას ქუჩა №10	503			
17	ქ.ბათუმი გრიბოედოვის ქუჩა №4	3408			
18	ქ. თბილისი, ჭირნახულის ქ. N10	1381			
	ჯამი	47582		713.73	8564.76

საჭიროების შემთხვევაში დერატიზაცია-დეზინსექცია-დეზინფექციის ერთჯერადი ღონისძიება (მოთხოვნის შესაბამისად)

	მისამართი	ფართი (კვ.მ)	დერატიზაცია- დეზინსექცია- დეზინფექცია (ერთი კვ. მ-ის დამუშავების ღირებულება) (ლარი)	მომსახურების ჯამი (ლარი)
1	სხვა ობიექტები საქართველოს მამტაბით საჭიროების შემთხვევაში	17000	0.001	17.00
	ჯამი	17000		17.00

ქვეწარმავლების დამაფრთხოებელი ღონისძიება

	მისამართი	ფართი (კვ.მ)	ქვეწარმავლების დამაფრთხოებელი ღონისძიება თვეში ერთჯერ (ერთი კვ. მ-ის დამუშავების ღირებულება) (ლარი)	ერთი თვის მომსახ. ჯამი (ლარი)	ერთი წლის (აპრილი- სექტემბრის ჩათვლით - 6 თვე) მომსახ. ჯამი (ლარი)
1	ქ. თბილისი, ზემო ფონიჭალა (შავნაბადა)	8000	0.001	22.10	132.60
2	ქ.თელავი, აჩინებული	4000			
3	ქ.რუსთავი რუსთაველის I გასასვლელი	4000			
4	ქ.მარნეული,რუსთაველის ქუჩა №26	3600			
5	ქ.ახალქალაქი დადმაშნებლის №134	2500			
	ჯამი	22100		22.10	132.60

საჭიროების შემთხვევაში ქვეწარმავლების დამაფრთხოებელი ერთჯერადი ღონისძიება (მოთხოვნის შესაბამისად)

	მისამართი	ფართი (კვ.მ)	<u>ერთი კვ. მ-ის ერთჯერადი დამუშავების ღირებულება</u>	ჯამი (ლარი)
1	სხვა ობიექტები საქართველოს მამტაბით საჭიროების შემთხვევაში	80000	0.001	80.00
	ჯამი	80000		80.00

საჭიროების შემთხვევაში COVID19 - ის საწინააღმდეგო ერთჯერადი ღონისძიება (მოთხოვნის შესაბამისად)				
	მისამართი	ფართი (კვ.მ)	<u>ერთი კვ. მ-ის ერთჯერადი დამუშავების ღირებულება</u>	ჯამი (ლარი)
1	სახელმწიფო უსაფრთხოების სამსახურის ობიექტები საქართველოს მამულებით (საჭიროების შემთხვევაში)	20000	0.010	200.00
	ჯამი	20000		200.00
სულ მომსახურების ღირებულება				8994.36

შენიშვნა:

მიმწოდებელი ვალდებულია შესრულებული სამუშაოს ამსახველი დოკუმენტაცია (დეფექტური აქტი, შემოწმების აქტი და ა.შ.) მიღება ჩაბარების აქტის გაფორმების მიზნით წარმოადგინოს არაუგვიანეს საანგარიშო თვის მომდევნო თვის 15 რიცხვისა;

დანართი N2

მომსახურების პირობები

- დანართში მითითებული ობიექტების დერატიზაცია-დეზინსექცია-დეზინფექციის სამუშაოების ჩატარება თვეში ერთჯერ, საჭიროების შემთხვევაში ობიექტის დამატებით დამუშავება მოთხოვნიდან არაუგვიანეს 2 (ორი) კალენდარულ დღეში;
- საჭიროების შემთხვევაში ქვეწარმავლების დამაფრთხოებელი ღონისძიების ჩატარება;
- მიმწოდებელი ვალდებულია გაწიოს მომსახურება უსაფრთხოების ზომების სრული დაცვით, მიმწოდებლის მიერ გამოყენებული პრეპარატები უნდა შეესაბამებოდეს საქართველოს მოქმედი კანონმდებლობით დადგენილ მოთხოვნებს, აკმაყოფილებდეს საერთაშორისო სტანდარტებს და არ უნდა უქმნიდეს საფრთხეს ადამიანის სიცოცხლეს და ჯანმრთელობას. მიმწოდებელმა არ უნდა გამოიყენოს მწვავე, მძაფრი სუნის ან ადამიანისათვის სხვა უარყოფითი რეაქციის გამომწვევი საშუალებები, ასევე პრეპარატები, გამოყენების დროს არ უნდა იყოს ვადაგასული.

დერატიზაცია - სადერატიზაციო სამუშაოები (თაგვისებური მღრღნელების განადგურება ან უკუქცევა) უნდა ჩატარდეს „შემსყიდველის“ ობიექტებზე არსებულ შენობა-ნაგებობებში (სარდაფები, სხვენები, კიბის უჯრედები, კორიდორები, ჰოლი, სველი წერტილები, სამუშაო ოთახები, სასაწყობო ნაგებობები და დამხმარე ფართები, გარე მიმდებარე ტერიტორიები) უნდა განხორციელდეს ზემოთ დახასიათებული პრეპარატებით, „შემსყიდველის“ წარმომადგენელთან ერთად.

დეზინსექცია - სადეზინსექციო სამუშაოები (საყოფაცხოვრებო მავნე მწერების მოსპობა - მათ შორის ეპიდემიოლოგიური და სანიტარულ-ჰიგიენური მნიშვნელობის მქონე ფეხსახსრიანების განადგურება (ბუზი და მათი ნაჩეკები, ტარაკანა, ბაღლინჯო, კოლო, ჭიანჭველა, ტკიპი, რწყილი და ა.შ.)) უნდა ჩატარდეს „შემსყიდველის“ ობიექტებზე არსებულ შენობა-ნაგებობებში და ტერიტორიებზე (ოფისებში, სასაწყობო მეურნეობებში, დამხმარე შენობა ნაგებობებში და „შემსყიდველის“ კუთვნილ გარე ტერიტორიებზე), სადაც უნდა დამუშავდეს სარდაფები, სხვენები,

კიბის უჯრედები, კორიდორები, ჰოლი, სველი წერტილები, სამუშაო ოთახები, სასაწყობო ნაგებობები და დამხმარე ფართები მწერებისა და პარაზიტების განადგურებისათვის ან უკუქცევისათვის. აღნიშნული სამუშაოები უნდა განხორციელდეს ზემოთ დახასიათებული პრეპარატებით, „შემსყიდველის“ წარმომადგენელთან ერთად.

დეზინფექცია - სადეზინფექციო სამუშაოები (პათოგენური მიკროორგანიზმების განადგურება) უნდა ჩატარდეს „შემსყიდველის“ ობიექტებზე არსებულ სველ წერტილებში (საპირფარეშოებში, ხელსაბან ოთახებში და სააბაზანოებში, საჭიროების შემთხვევაში ოფისის ოთახებში) ბაქტერიების, ვირუსების და სხვა მავნე მიკროორგანიზმების განადგურებისათვის. აღნიშნული სამუშაოები უნდა განხორციელდეს ზემოთ დახასიათებული პრეპარატებით, „შემსყიდველის“ წარმომადგენელთან ერთად.

ქვეწარმავლების დამაფრთხილებელი ღონისძიებები - ქვეწარმავლების (გველები) საწინააღმდეგო სამუშაოები უნდა ჩატარდეს „შემსყიდველის“ ობიექტების გარე ტერიტორიაზე, მიტოვებულ შენობა - ნაგებობებში, ღია ტიპის ფარდულეებში და სასაწყობო ნაგებობებში. ღონისძიებები უნდა განხორციელდეს აპრობირებული, ადამიანის ჯანმრთელობისათვის უსაფრთხო ქიმიური რეპელენტების გამოყენებით. სამუშაოები უნდა განხორციელდეს „შემსყიდველის“ წარმომადგენელთან ერთად.

COVID19 -ის საწინააღმდეგო ღონისძიება - უნდა ჩატარდეს „შემსყიდველის“ ობიექტებზე. ღონისძიებები უნდა განხორციელდეს აპრობირებული, ადამიანის ჯანმრთელობისათვის უსაფრთხო საშუალებების გამოყენებით, რომლებიც ეფექტურია COVID19-ის წინააღმდეგ. სამუშაოები უნდა განხორციელდეს „შემსყიდველის“ მოთხოვნის შესაბამისად მოთხოვნიდან არაუგვიანეს 12 (თორმეტი) საათისა.

დამატებითი პირობები:

- ღონისძიებები უნდა დაიგეგმოს და საჭიროების შემთხვევაში (რაიმე სახის ეპიდემიის ნიშნების აღმოჩენის დროს) განხორციელდეს ექიმი ეპიდემიოლოგის უშუალო მონაწილეობით;
- შესყიდვის ღირებულება უნდა მოიცავდეს მომსახურების გასაწევ ობიექტებამდე ტრანსპორტირების ხარჯს და საქართველოს კანონმდებლობით გათვალისწინებულ ყველა გადასახადს;